

八瓊室金石補正續編

給復學田省割碑

高五尺四寸廣二尺八寸額下分為三截第一截二十六行行四十四字一宇不等字徑四分末三行字遞大不一第二截三十四行行四十四至四十八字不等字徑三四分末三行字亦遞大第三截跋二十五行行二十字字徑八分俱正書

在蘇州府學

給復學田省割

額橫列字徑四寸五分正書

平江府申證對本府據府學教授汪泰亨從事狀申本學養士田產係 范文正公選請至紹興肆年立石公堂滿熙伍年置砧基薄慶元貳年重立石刻並載常熟縣雙鳳鄉肆拾貳都器字蕩田壹阡陸伯玖拾畝叁角壹拾玖步 一前項田除濮光輔施祥等承佃壹阡柒拾畝壹拾伍步半外於內

不見陸伯貳拾畝叁角叁步半着落自嘉定貳年以來節次據王彬葉延年告首係是豪戶陳煥冒占雖屢具申使府緣陳煥富強不伏出官 一紹定元年正月內泰亨再據葉延年狀首備因依申府蒙權府帖巡尉會合追繼帖本縣邵縣尉打量定驗到陳煥冒占陸伯貳拾畝叁角叁步半連段寬剗田肆伯陸拾玖畝貳角伍拾玖步共壹阡玖拾畝貳角貳步半繼帖吳縣周主簿指定到父宿供對田內既無其他民產則府學所失陸伯餘畝合給還府學管業寬剗田肆伯餘畝乞併給府學以助養士奉判案行牒學證應仍將陳煥莊屋車舡等藉給府學 一本學再具歸給因依申府乞備申

臺部諸司證會介書判府學蕩田載之站基刊之石刻悉有
可證濮光輔等立租輸納惟陳煥冒占在已學校第知濮光
輔等已行請佃而陳煥所占未及知因葉延年告首方於站
基石刻考證始知源流陳煥欺弊迹已難掩乃於本府已斷
之後輒經提舉司作自己蕩田翻訐且謂昨來有指揮開掘
之日先曾自陳且開掘園田青冊已載者並行免掘府學田
蕩所係養士別無民產隣至從前並無開掘明文陳煥弟陳
焯豈得以嘗作蕩田經提舉司陳詞藉口執出叁契皆是以
別項影射周主簿點對極爲明白本府打量除證府學舊來
畝步外尚有餘剩田肆伯餘畝陳煥既無祖來干照可證拘

沒入官併撥養士已為得當陳煥欺弊質之 條法本非輕
典猶敢飾詞妄訴法司具 條呈牒府學證應 一今來本
學已證府牒管業緣陳煥弟陳焯富橫健訟尚慮日後多方
營求紊擾不已乞備申

尚書省劄下本學以憑悠久遵守本府證得先據府學教授
汪從事申前項學田已帖委常熟縣尉邵從事集父宿等打
量定驗到陳煥冒占學田因依遂再送吳縣主簿周修職從
條指定斷歸府學紹業及監陳煥弟陳焯了還所欠本學
租米外今據教授汪泰亨從事所申本府所合具申

尚書省乞賜

劄下提舉司及本府遵守施行伏乞

指揮施行申聞事

已劄下浙西提舉司從所申事理施行外

右劄付平江府證會施行準此

紹定元年拾月叁拾日

丞相在假 押

平江府申證對本府據府學教授汪從事申據正錄直學鄉
貢進士學正學生王天德等狀申令月拾肆日准通判轉運
主管司牒准轉運使銜准 尚書刑部符據常熟縣陳焯妄
訴學田事證得本學瀆熙伍年砧基簿及慶元貳年公堂石
刻有管常熟縣雙鳳鄉肆拾貳都器字號蕩田除王彬濮光

輔等承佃外有田壹阡餘畝不見着落自嘉定叁年劉教授以後節次據王彬朱忠張千拾貳葉延年等告首被豪戶陳煥陳焯倚恃強橫從嘉定貳年冒占在己盜收花利計壹拾玖年本學累申本府及提刑司追理緣陳煥陳焯家豪有力不能究竟積計盜收花利壹萬叁阡餘石至紹定元年又據葉延年告首遂具申本府蒙權府提刑林少卿帖匣巡尉追經涉肆伍箇月至知府章少卿到任方始追得出官帖常熟縣邵尉躬親前往田所呼集隣保父宿供證打量續據回申陳煥冒占分明送吳縣周主簿從條指定准府牒斷還本學養士及將陳煥賣出偽契及砧基毀抹附案仍證條合

追拾年花利納官所有莊屋農具舡隻一併藉給本學公用
自後陳煥在安下人黃百貳家染病身死續蒙本府追弟陳
焯監納盜收花利其陳焯脫身又經提舉司將冒占學田偽
作自己蕩田妄訴蒙提舉司馬郎中台判是蕩是田皆合歸
府學牒學證應續准府牒蒙權府提刑林少卿台判府學田
蕩載之碇基刊之石刻悉有可證先本蕩地續後衆戶圍畧
成田濮光輔等肆名於已圍畧之後就學立租歲有輸納惟
陳煥冒占在已學校第知噐字號蕩田濮光輔等已行請佃
其陳煥冒占所未及知因葉延年等告首方於碇基石刻考
證始知源流陳煥欺弊迹已難掩乃於本府已斷之後輒經

提舉司作自己蕩田讎訴且謂昨來有指揮開掘之日先曾
自陳且開掘圍田青冊已載者並行免掘府學田蕩所係養
士別無民產隣至從前並無開掘明文陳煥弟陳焯焯豈得以
嘗作蕩田經提舉司陳詞藉口况今來執出叁契皆是以別
項影射周主簿點對極爲明白本府打量除證府學舊來畝
步外尚有餘剩田肆伯餘畝陳煥既無祖來干照可證拘沒
入官併撥養士已爲得當陳煥欺弊質之 條法本非輕典
猶敢於已斷之後飾詞妄訴法司具 條仍申轉運司證會
自後本府領上陳焯監納拾年花利其本人節次止納到錢
叁仟伍佰壹拾貫文官會蒙本府牒發上項錢送錢糧官取

節推文管收附赤關官簿訖及在府責狀甘自理斷之後不
敢冒占罪賞文狀附案存證本學爲見陳焯富橫徒訟尚慮
日後多方營求素擾不已已具申本府乞備申 尚書省至
紹定元年拾月叁拾日備准 省劄劄下浙西提舉司及劄
下本府從所申事理證會施行外切緣當來本府止據陳焯
供責自後不敢仍前冒占學田具狀哀鳴一時寬恤有失結
斷罪名以致今來陳焯妄經 尚書刑部隱下 尚書省省
劄一節及隱下冒占學田盜收花利壹拾玖年計積壹萬叁
阡餘石情犯却以陳煥在外病亡妄稱在獄身死及將納到
盜收花利錢叁阡伍伯壹拾貫文妄作吏胥欺詐脫判符下

轉運司天德等竊詳陳焯緣見府教先生書滿在即我埋訟
根爲異時侵占張本雖訴府吏乞覓有無於本學初無關涉
但陳焯借訴吏胥爲名意實在田所訴取索案祖意欲滅去
其藉以顯陳焯豪橫狡詐又陳焯當來於提舉司妄訴則稱
是自己蕩田今來於轉運司妄訴則稱是自己省額苗田只
此兩端便又顯見得陳焯前後異同虛妄狡詐又况上件田
元係文正范公啓請于朝自是本學舊物今係 尚書省劄
下即是

朝廷養士之田陳焯罪名未正豈得復萌覬覦及便欲脫漏
椿管田苗今摹印到 省劄及本府并提舉司公牒隨狀見

到申府乞備申 尚書省乞證先來行下 省劄事理劄下
刑部及轉運司就將陳焯并男陳念九押下從 條結斷冒
占學田情罪及今來違背省劄指揮妄狀越訴情罪及監追
未納足已指定拾年花利入官仍乞 劄下平江府府學證
應本府所據府學教授汪從事前項所申所合具申

尚書省乞賜

指揮施行伏候

指揮

已劄下刑部兩浙轉運司從平江府所申事理施行
并劄下平江府證會施行外

右劄付平江府府學證會準此

紹定叁年玖月 日

押 押

吳學 文正范公所建田亦公所請也碑籍無恙而大姓
已有侵占之者常熟陳其姓占田至一千一百餘畝擅利
至二十餘本學校婁鳴弗克伸也寶慶三年冬十一月春
亨未復有告者明年春始白之郡今左司林農卿故 寶
謨章少卿相繼主之涉半歲始克歸田又俾輸三季租別
賑以脩學其人誦言必且壞是廼種訟為根是歲秋九月
泰亨校文迴伏

光範以告得

堂帖其人始退聽又明年秋脩類宮成 陳祕書任復田
記 吳校書作脩學記皆直書其事刻琅公堂矣明季秋
其人猶復枝辭越訴志在復占田 郡太守朱貳卿復以本
末上

尚書省不旬日復得

堂帖重刊于學諸生來前曰所在學校常不勝豪右者此
以空言彼以訾力此所主者才一二彼不得志於郡則微
勝於諸司於臺部不勝不已今吳學獨賴賢刺史 賢使
者而

大丞相又主之於上則此田其泰山而四維之矣又為之

加一

辭曰田夫矣而復歸學地矣而復治堂

堂魯公寔主之何以頌之在類詩遂書下方以告來者貳卿

又將據

堂帖取七年租復作六經閣泰亨雖滿去然閣成尚能執
筆記之以踵張伯玉故事紹定三年冬十月望泰亨謹跋

吳門張思恭刊

司馬文正公分書六大字

高一尺廣二尺五寸餘大字各徑一尺左右題款
各一行六字字徑一寸五分便分書在蘇州府學
思無邪公生明

司馬文正公書

團祐元正摹刻

疏廣傳語刻石

刻竹字碑陰界作四截每截八行行三字字徑二分俱正書在蘇州分第四截之左跋五行行九字字徑八分

學府

疏廣辭太傅歸趣賣賜金日與族人賓客相娛樂廣子孫竊謂其所愛信者勸買田宅廣曰吾豈不念子孫願自有舊田盧足共衣食賢而多財則損其志愚而多財則益其過且夫富者衆人之怨也吾不欲益其過而生怨

戒人爲不善勸人爲善盧坦疏廣同一機耳然則爲人父祖子孫可不審所擇云鹽祐辛丑孟夏陳壇對刻于明清堂

在府學即刻於何同叔所刻篆書竹字碑後壇見郡志收
守題名又見宋史

吳郡金石目

無錫縣學續增養士田記

高連額七尺七寸廣三尺五寸五分上截狀據司帖中截
四段等數四列下截記文末有立石人名一行行字大小
多寡詳註各段下司帖行
書餘皆正書在本縣學

無錫縣學酒祐癸卯續增養士田記

額題七行行二字字
徑二寸五分分書

常州

二字徑一
寸四分

司理院奉本州皮下無錫知縣薛通直狀備□本縣縣學學
長學生蔣金極等連狀稱縣學自紹興初元重行修建舊有
養士田畝具載□基經今已及百年先聖殿宇及齋舍廡
廡門墻□□頽壞圯毀至不能蔽風雨見者無不動心近荷
大監安撫尤先生伯仲主盟糾率鄉大夫邑士鳩財整葺僅

畢先聖殿宇而廊廡諸處無可□支未及施工及按視學
田舊籍欺蠹之餘歲入鮮少不足以供諸職生負會食之需
允此用度金極等竊謂非本縣事力所能辦集自非□叩
使府力與資助學舍恐未易修復公廚雖□徒有甌塵釜魚
之嘆金極等□聞本縣攬幹尤梓因欺蠹官府被罪抄估家
業內有田拘沒入官計契捌拾肆紙□牘具存尉司幸值□
府秘閣節制郎中先生篤意崇儒靈心待士下車之初視學
杖尤爲急務與昔龔黃異世同符茲承知縣留意邑庠先蒙
捐撥已俸錢未入學重懇尤大監伯仲見議修整廊廡齋舍
門墻等處孟秋擬試士子捐餽激勸是致邑之士友預薦者

十有五人視四邑爲最皆感荷作成之賜金極等□□台
慈亟請于郡以無錫沒官之田歸于無錫縣之學以其租入
助充養士之資使來游者無子衿之嘆肄業者無倚席不講
之□倫明於上民親於下孰不仰戴賢師帥與令尹陶成
長育之恩乞備稟使府□從所請給撥尤梓沒官田畝入學
充養士公用□行本職□□□□□□□□鄉校仰視先聖殿宇
雖復舊觀而齋舍等處悉皆摧□至以葦席代□□甚為動
心縣計單弱難於致力遂先撥已俸錢未一月懇尤秘監
伯仲復舉修葺之議見此經營及攷養士田糧不足以周一
歲支遣每值月旦不敢廢謁學之禮僅與諸職升堂集講而

退生負□破□無取辦大為缺典令寄□與邑士借以請給
本縣沒官田添助學糧陳告本職不於借越教用稟□□望
台慈矜從特賜 台判給付縣學永充養士之用併□公

據于石垂示無窮以彰 賢師帥崇儒育材之意乞指揮奉

台判于□所以養民學校所以養士養士乃以及民也况此

田隸無錫歲額近叁伯石而頑佃猾吏相為隱庇所收不得

一半若撥入縣學則縣家必能為學生□又有群職事可以

任責庶幾盡得所收以養多士業給據并契□仍申 提刑

司照會院司照得先於禧祐元年七月中奉本州押下尤梓

據無錫知縣解到根究廣攬人戶官物詭名置產及縣吏首

訴折拽懷仁鄉官版簿紙業等事已勘據尤梓供招情犯斷
配訖案内元索到尤梓口契書計伍拾壹紙共權未叁百伍
碩柒勝伍勺租錢貳拾肆貫柒伯貳拾伍文足大麥陸勝小
麥伍斗陸勝伍合所合發下縣學文管瀕至行遣

以上三十三行行二

十五字至三十一字不等字裡四分

右今出給公據付無錫縣學收執管業永遠照應

滿祐三年

閏八月

日給

以上二行字裡八分

使

此字裡二寸

轉運提舉學事

此行字裡八分

據無錫縣申本縣據縣學長蔣金極等連狀施行本縣幹

攬尤梓斷配抄籍沒官田貳伯餘畝添助縣學養士事乞
更賜申 御史臺符下無錫縣學照應管業施行奉
台判知縣下車未幾留意學校本州撥田爲久遠養士之
規可謂知所先務矣備申 臺部仍帖縣照應本司除已
具申

御史臺戶部照會外須至行遣

以上六行行二十至二十
六字不等字徑四五分行

書

右令帖無錫縣仰照應

酒祐三年十月

日帖 此二行字
徑七分

無錫縣

三字徑
同前

朝散大夫秘閣修撰兩浙路計度轉運副使魏

此行橫廣三
寸五分上十

七字併構五寸末
一字徑三寸餘

右第一裁

今具諸鄉田段畝步推米稅錢客戶姓名下項

揚名鄉

田畝不
錄下同

景雲鄉

垂慶鄉

開元鄉

梅李鄉

延祥鄉

興道鄉

天授鄉

以上詳記田段畝步四至權未稅錢客戶姓名凡四列每列
列六十八行第四列六十六行行各三十字左右字徑四分
右第
二載

古者設學莫重於教養教養之制稽諸成周如鄉大夫之攷
□行載師之任士田二者不可偏廢

國朝踵□成規開設學校 慶厯四禩乃詔諸縣左學由□
教養之澤布滿天下錫山為今巨邑彬彬多□□士貢秋
賦上春官視他邑為寡倫魁接踵□□出比李呂未學舍
頽圯田租虧失生徒解□□□聞弊抑甚矣瀆祐三載師

魯被

命□宰斯邑日擊其弊領事之初力未克支首荷鄉達尊制
使祕撰尤祕監昆中終始扶持吾道篤意興修殿齋堂宇廊
廡序舍奐然一新雖欲誘掖後進作成人材夫何學糧之在
舊籍者十僅三四皆黜弄此職錢糧者與吏竝緣為姦多借
逃亡戶絕之名肆隱占詭挾之弊數併去其籍而業淪於私
家故一歲所入不足呂贍一歲之需弊痼而不可攻攝邑職
者不暇問也師魯一日因會諸友而語之曰古之為教者一
令之為教者三彼釋老氏假馭福語誘齊民乃克侈大廬舍
粒食巨聚其徒今吾儒獨不能崇庠校尊 聖人可乎且庠

者養也非徒呂養口體也校者教也非徒誦說云也今諸友
誠能呂詩書之澤疏淪其身心禮樂之教磨礪其術業達則
充所學呂治國平天下否則隱約自養呂啓迪其後昆此其
為福豈不踰於緇黃遠甚何忍覲斗升之微肆其侵漁之欺
而不思為淋後之計乎癸卯之春偶有本邑吏攬尤梓沒官
之租三百斛有奇歸之州郡師魯遂率學職闔□□請蒙
知郡祕閣章監丞有意作成慨然備申

臺部給憑改撥入

學呂助養士伐其朶頤無恥者之謀自是歲廩日豐士類雲
集皆有弦誦盈耳之樂絕無敲磨釜魚之歎子衿之刺今可
逝否乎雖然吏有時而更藉有時而泯將何呂壽其永遠乎

遂命鏡諸石呂傳不朽滿祐五禩七月吉日邑令奉議郎薛

師魯謹題

以上三十二行
十九字字徑八分

鄉貢進士司計尤有大錢會龍李觀國唐夬揚待省進士縣
學長直劉當口陳潛王祖洪蔣金極立石

此行在碑末自第
二截第四列下半

起字徑五分
末二字較大

右第
三截

江陰復軍牒

高五尺六寸廣二尺九寸分三截第一截題額第二三截
行字五畧大小不一較牒行書狀及本行上石年月正書
在江陰縣署大門

建炎復軍指揮

額題六字字
徑四寸正書

尚書省味江陰軍

字廣三
寸五分

兩浙轉運提刑司狀據常州江陰縣父老胡崇等狀伏覩

兩浙一路自

祖宗管一十五軍州唯江陰高郵軍於熙寧年中改爲
縣緣江陰疆里闊遠人民浩大自元祐已後民戶添增鹽
錢一倍已上伏見高郵軍□人戶陳乞已復爲□况高郵
不及江陰戶口之半念江陰危險控扼之地邊臨大江接

連巨海向緣方賊作過及近爲西兵驚劫常州至鎮江府
放火殺人賊徒累欲來燒劫江陰本縣城郭民兵防托牢
固方免侵犯一邑人民遂獲安息願復爲軍兼本縣自廢
軍爲縣所有舊軍諸官衙亭并雄□崇節等指揮及江陰
城內見差兵馬都監兩負縣尉二負東西兩寨並見存本
縣爲臨江海商旅般販浩大所收稅錢過迭常州之數陳
乞敷奏 朝廷乞復爲軍額契勘常州江陰縣界在平江
鎮江之間最爲唇齒要害之地今來□□本縣軍民申請
依舊制改還軍額使之屯兵聚糧措置控禦則鎮江一帶
邊江去處聲援相接委爲經久利便伏望指揮許依所請

復還軍額仍選有心力諳知江路利害之人充知軍伏候

指揮

以上十二行行二十七至三十四字不等字徑六分

條奉

勅宜復為

右弟
二截

江陰軍條至准

勅 故條

以上四行字徑二寸至五寸不等

建炎二年十一月四日牒

字徑一寸二分

太中大夫守右丞朱

押

中大夫守左丞顏

押

正議大夫守右僕射

押

以上三行
字廣三寸

〔瀋〕祐七年六月吉日朝請郎知江陰軍兼管内勸農
事節制屯戍水軍新除宗學博士陳鑄命工摹刻

此行

字徑
四分

右第
三枚

知吉陽軍毛奎釣臺記

拓二紙一高三尺五寸廣八尺二寸橫碑二大字徑二尺九寸餘左右二行行六字字徑五寸一高二尺三寸廣四尺記十一行行六字字徑三寸餘正書在崖州

釣臺

酒祐丁未仲秋

在二大字之右

郡守毛奎經始

在二大字之左

吉陽氣象雄偉南山有幽洞酒熙周史君磨崖前瞰大海後環曲巷山麓石峯之陰有石可坐而釣曰釣臺乃刻石爲海山之奇觀崖州之佳致也知吉陽軍富川毛奎記

釣臺二大字左右年月款識各一行墨色不一疑是拓

者粘連之未必與唐崖位置合也

平江圖碑

高六尺五寸廣四尺六寸勝字漫平者十之三存者字徑二三分正書

東南西北

四字在四旁分書一十有方闕

葑門

蓋門

閘門

齊門

晏門

右門五

長洲縣

縣丞廳

主簿廳

吳縣

縣丞廳

主簿廳

提舉司

提刑司

提口廳

檢口廳

口幹廳

教授廳

長洲縣尉司

口學

收稅亭

右官廡之木初者凡十四

威果二十八營

全捷二十一營

口口四十一營

雄節

營 六十五營 瞻軍務 教場 教場

地營

大成殿 □仁壇 社壇 縣社壇

地廟

北口廟 寶積寺 國國寺 關王廟 祥符寺 傳法寺

妙巖寺 廣化寺 永福寺 北口廟 廣惠廟 善賢

院 三雍熙寺 朱明寺 景德寺 天宮寺 仁王寺 積

慶院 相王廟 土地廟 二靈濟廟 覺報寺 重口院

□口夫人廟 后口院 伍相公廟 報恩寺 普門院

文殊院 水院堂 泗洲院 法華院 朱司徒院 能仁

寺 寶幢院 圓通院 水陸院 福昌院 崇真宮 至

德廟 北觀音院 靈鷲寺 北禪寺 安齋王廟 寶光

寺 利濟院 二修和觀 橫塘寺 楓橋寺 張家庵 葦

家庵 半塘寺 虎邱西庵 雲巖寺 資福廟

右寺廟庵院宮觀之
未初者凡五十六

南園 花月樓 洗馬池 百花洲 接官亭 口門亭

高麗亭 望雲館

右園亭
池館

大雲坊 口鳳坊 乘鯉坊 崇義坊 聞德坊 口仁坊

閻園坊 流化坊 文正范公坊 盍簪坊 德慶坊

清嘉坊 仁風坊 圃國坊 吳趨坊 和口坊 晉口坊
狀元坊 同仁坊 館娃坊 慶源坊 布口坊 豸冠坊
天宮坊 繡衣坊 孔聖坊 袞繡坊 儒學坊 玉淵坊
孝友坊 旌義坊 南宮坊 義和坊 靈芝坊
畫錦坊 甘節坊 立義坊 至德坊 迎春坊 平口坊

儒教坊

石坊名之未泐者凡三十六

張府

石府

花橋 南新橋 泉善橋 圓通橋 定日橋 徐鬼橋

兵馬使橋 醋坊橋 顧周橋 縣東橋 二縣前橋 院子
橋 金獅子橋 寺後橋 八寺東橋 五鶴舞橋 廣化寺橋
四通橋 宮橋 二北倉橋 天心橋 永福橋 錢都街
橋 大郎橋 雙板橋 新街橋 寺西橋 六口黃橋 銀
鉞橋 杉板橋 李公橋 胡家橋 張馬步橋 禪興寺
橋 祥符寺橋 小市橋 小平橋 丁家橋 縣西橋
蒲老橋 芝草營橋 普濟橋 鉞船橋 六通橋 艾家
橋 崇利橋 安民橋 盧家橋 德慶橋 方廣橋 沈
家橋 席家橋 廣書橋 高家橋 郭家橋 洞橋 三芮
橋 三太尉橋 朱明寺橋 仰家橋 鳳凰橋 壽聖橋

華家橋 楊家橋 二錢附馬橋 徐家橋 虎蹲橋 阜

橋 鄭使橋 西蔣家橋 黃牛坊橋 徐胡橋 陸侍郎

橋 劉家橋 太平橋 魏家橋 東周太保橋 胡廂使

橋 東開明橋 寺前橋 四通利橋 衆安橋 朱馬交橋

北張家橋 蘇軍橋 積慶橋 羅家橋 照圖橋 雪

柱橋 南張家橋 廟堂橋 苑橋 顧口橋 寺南橋

唐家橋 清道橋 南倉橋 迎口橋 望信橋 董家橋

曹家橋 雙紅橋 章家橋 朱家橋 望門橋 帶城

橋 紅鴨橋 西長橋 燒香橋 東長橋 斜橋 安里

橋 船口橋 船舫橋 龍堂橋 淨河橋 祝橋 南口

橋 燕家橋 查家橋 奚公橋 奚婆橋 蔡家橋 杉
口橋 北口橋 口生橋 南口橋 新橋 程橋 三
梅口橋 廟橋 二虹橋 三吳門橋 短橋 西章家橋 香
花橋 西石塘橋 單家橋 曹使橋 鴻橋 都亭橋
南過單橋 北過單橋 紅橋 張廣橋 錢橋 桃花橋
隆興橋 柳殺橋 口堂橋 洋澳橋 華家橋 北新
橋 吳郎橋 跨塘橋 臨頓橋 任蔣橋 東章家橋
中路橋 狄勝橋 東石塘橋 寺莊橋 斜路橋 棧橋
迎春橋 胡家橋 周通橋 百口橋 華陽橋 張香
橋 徐鯉魚橋 奚家橋 富孫橋 慶園橋 打急路橋

渡僧橋 楓橋 山塘橋 彩雲橋 便山橋 胡書記

橋 楊園橋 蔣使橋

右橋名未泐者凡二百三

越城 吳城 姑蘇臺 治平山 高峯山 穹隆山 虎

邱山 陽山 洞庭西山 洞庭東山 天蕩 赤門灣

運河 三家匯 太湖 長蕩 陽城湖 至和塘 燕

塘匯 常熟塘 胥口 三廛堆 程宅墳

右城外山川等名之未泐者

呂挺 張允成 張允迪 缺

石在碑末下角

平江圖碑正書大小不等在府學無年月未有呂樾張允
成張允迪姓名乃刻圖之人因攷府學嘉定八年記長州
縣學慶元六年重修主簿廳記又紹定二年嘉定縣學記
皆有張允成張迪刻工姓名則此非圖宗時即理宗初年
物

帝王紹運圖碑

高五尺六寸廣三尺上為額題下為圖自五帝至宋理宗
朝代陽文居中立下世繫額列自右而左春秋十二國秦
六國東晉十六國五代十三國附列左右其標題亦陽文下
截文三十七行行十六字字徑五分均正書在蘇州學府
帝王紹運圖題五字橫列字徑二寸四分陽文分書

帝王紹運圖

帝王紹運自五帝以降迄于

國朝凡一百七十五君歷三千五百餘年世道之理亂王統
之離合於斯可睹矣溫國司馬光之言曰周室東遷以來
王政不行諸侯並僭分崩離析不可勝紀凡五百有五十年

而合於秦秦虐用其民十有一年而天下亂又八年而合於漢漢爲天子二百有六年而失其柄王莽盜之十有七年而復爲漢更始不能自保光武誅僭僞凡十有四年然後能一之又一百五十有三年董卓擅朝州郡瓦解更相吞噬至于魏氏海內三分凡九十有一年而合於晉晉得天下纔二十二年惠帝昏愚宗室造難羣胡乘釁濁亂中原散爲六七聚爲二三凡二百八十有八年而合於隋隋得天下纔二十有八年煬帝無道九州幅裂八年而天下合於唐唐得天下一百有三十年明皇恃其承平荒于酒色養其疽囊以爲子孫不治之疾於是漁陽竊發而四海橫流矣肅代以降方鎮跋扈

號令不從朝貢不至名爲君臣實爲讎敵陵夷衰微至于五代三綱頽絕五常珍滅懷翼未煖處宮未安朝成夕敗有如逆旅禍亂相尋戰爭不息流血成川澤聚骸成國陵生民之類其不盡者無幾矣於是

太祖皇帝受命於上帝起而拯之躬擐甲冑櫛風沐雨東征西伐掃除海內當是之時食不暇飽寢不遑安以爲子孫建太平之基大勳未集

太宗皇帝嗣而成之凡二百二十有五年然後大禹之迹復混而爲一黎民遺種始有所息肩矣由是觀之上下一千七百餘年天下一統者五百餘年而已嗚呼以圖之所載與先

之所言合而觀之則知自古及今治不能十一而亂常八九
為君者亦可以知所戒矣

天文圖碑

高六尺廣三尺二寸上為額額下為圖居碑七之四下為文四十二行行五十一字字徑四分圖中標名字徑三分均正書圖四圍有陽文

字相間在蘇州府學

天文圖

額三字橫列字徑二寸陽文分書

天文圖

太極未判天地人三才函於其中謂之混沌云者言天地人渾然而未分也太極既判輕清者為天重濁者為地清濁混者為人輕清者氣也重濁者形也形氣合者人也故凡氣之發見於天者皆太極中自然之理運而為日月分而為五星

列而爲二十八舍會而爲斗極莫不皆有常理與人道相應
可以理而知也今略舉其梗槩列之于下天體圓地體方圓
者動方者靜天包地地依天天體周圍皆三百六十五度四
分度之一徑一百二十一度四分度之三凡一度爲百分四
分度之一即百分中二十五分也四分度之三即百分中七
十五分也天左旋東出地上西入地下動而不息一晝一夜
行三百六十五度四分度之一緣日東行一度故天左旋三
百六十六度然後日復出於
方地體徑二十四度其厚半之勢傾東南其西北之高不過
一度邵雍謂水火土石合而爲地今所謂徑二十四度者乃
土石之體爾土石之外水接於天皆爲地體地之徑亦得一

百二十一度四分度之三也兩極南北上下樞是也北高而南下自地上觀之**正極**出地上三十五度有餘南極入地下亦三十五度有餘兩極之中皆去九十一度三分度之一謂之**赤道**橫絡天腹以紀二十八宿相距之度大抵兩極正居南北之中是爲天心中氣存焉其動有常不疾不徐晝夜循環斡旋天運自東而西分爲四時寒暑所以平陰陽所以和此後天之太極也先天之太極造天地於無形後天之太極運天地於有形三才妙用盡在是矣回太陽之精主生養恩德人君之象也人君有道則日五色失道則日露其慝謹告人主而做戒之如史志所載日有食之日中烏見日中黑子

日色赤日無光或變爲孛星夜見中天光芒四溢之類是也
日體徑一度半自西而東一日行一度一歲一周天所行之
路謂之黃道與赤道相交半出赤道外半入赤道內冬至之
日黃道出赤道外二十四度去北極最遠日出辰日入申故
時寒晝短而夜長夏至之日黃道入赤道內二十四度去北
極最近日出寅日入戌故時暑晝長而夜短春分秋分黃道
與赤道相交當兩極之中日出卯日入酉故時和而晝夜均
焉圓太陰之精主刑罰威權大臣之象大臣有德能盡輔相
之道則月行合度或大臣擅權貴戚官用事則月露其隱
而變異生焉如史志所載月有食之月掩五星五星入月月

光盡見或變爲彗星陵犯紫宮侵掃列舍之類是也月體徑
一度半一日行十三度百分度之三十七二十七有餘一
周天所行之路謂之白道與黃道相交半出黃道外半入黃
道內出入不過六度如黃道出入赤道二十四度也陽精猶
火陰精猶水火則有光水則會影故月先生於日之所照魄
生於日之所不照當日則光明就日則光盡與日同度謂之
朔月行潛於日通一遊三謂之弦及二分體爲四分謂初八日
下與日會也分謂之通如弓張弦上弦各見故光在
半明半暗如弓張弦上弦各見故光在也衡分天中謂之望謂十五
日之昏日入西月出光盡體伏謂之晦謂三十日月行並於
光體皆不見也月行於白道與黃道正交之處

在朔則日食在望則月食日食者月體掩日光也月食者月

入暗虛不受日光也

暗虛者日正對暗起

經星三垣二十八舍中外官

星是也計二百八十三官一千五百六十五星其星不動三

垣紫微太微天市垣也二十八舍東方七宿角亢氐房心尾

箕為蒼龍之體北方七宿斗牛女虛危室壁為靈龜之體西

方七宿奎婁胃昂畢皆參為白虎之體南方七宿井鬼柳星

張翼軫為朱雀之體中外官星在朝象官如三台諸侯九卿

騎官羽林之類是也在野象物如雞狗狼魚龜鼈之類是也

在人象事如離宮閭道華蓋五車之類是也其餘因義制名

觀其名則可知其義也經星皆守常位隨天運轉譬如百官

萬民各守其職業而聽命於七政七政之行至其所居之次
或有進退不常變異失序則災祥之應如影響然可占而知
也曆星五行之精木曰歲星火曰熒惑土曰填星金曰太白
水曰辰星併日月而言謂之七政皆麗于天天行速七政行
遲遲為速所帶故與天俱東出西入也五星輔佐日月斡旋
五氣如六官分職而治號今天下利害安危由斯而出至治
之世人事有常則各守其常度而行其或君侵臣職臣專君
權政令錯繆風教陵遲乖氣所感則變化多端非復常理如
史志所載熒惑入於匏瓜一夕不見匏瓜在黃道北三十餘
度或勾己而行光芒震耀如五斗器太白忽犯狼星狼星在

黃道南四十餘度或晝見經天與日爭明甚者變為妖星歲星之精變為撓搶熒惑之精變為蚩尤之旗填星之精變為天賊太白之精變為天狗辰星之精變為~~既~~矢之類如日之精變為孛月之精變為彗政教失於此變異見於彼故為政者尤謹候焉天渾四瀆之精也起於鴟火經西方之宿而過北方至於箕尾而入地下二十四氣本一氣也以一歲言之則一氣耳以四時言之則一氣分為四氣以十二月言之則一氣分而為六氣故六陰六陽為十二氣又於六陰六陽之中每一氣分為初終則又裂而為二十四氣二十四氣之中每一氣有三應故又分而為三候是為七十二候原其本始

實一氣耳自一而為四自四而為十二自十二為二十四自

二十四而為七十二皆一氣之節也十二辰乃十二月斗綱

所指之地也斗綱所指之辰四月指巳五月指午六月指未

七月指申八月指酉九月指戌十月指亥十一月指子十二

月指丑謂之月建天之元氣無形可見觀斗綱所建之辰即

可知矣斗有七星第一星曰魁第五星曰衡第七星曰杓此

三星謂之斗綱假如建寅之月昏則杓指寅夜半衡指寅平

旦魁指寅他月倣此十二次乃日月所會之處凡日月一歲

十二會故有十二次建子之月次名元枵建丑之月次名星

紀建寅之月次名析木建卯之月次名大火建辰之月次名

指卯三月指辰

壽星建巳之月次名鶉尾建午之月次名鶉火建未之月次
名鶉首建申之月次名寶沈建酉之月次名大梁建戌之月
次名降婁建亥之月次名陬訾十二分野即辰次所臨之地
也在天為十二辰十二次在地為十二國十二州凡日月之
交食星辰之變異以所臨分野占之或吉或凶各有當之者
矣

地理圖碑

高六尺廣三尺二寸上為額額下為圖居碑十之七下為文三十二行行二十二字字徑五分後題記四行行十四字字徑六分圖中標名字徑三分

諸路用陽文均正書在蘇州府學

隆理圖

額三字橫列字各徑二寸陽文分書

地理圖□□□□都邑亦詳且明矣則又取契丹女真之
地□□□□南北形勢使人觀之可以感可以憤然□
□□□□也九服之地自開闢以來未之有改而乍離□□
□□不同周秦之世分而為六漢魏以後裂而為□□□□
□而南北之勢成祿山叛唐而五季之亂起回視□□□漢

能以天下爲一統者僅十一耳將天時有否泰□□□德有
厚薄毀奚其治少而亂多若此哉此可以□□□□土壤北
屬幽燕以長城爲境舊矣至五代時石□□□□六州之地
以賂契丹而幽薊朔易之境不復爲□□□□百餘年 國
朝自

藝□□帝柳風沐雨平定海內取蜀取江南取吳越取廣東
□取河北獨河東數州之地與幽薊相接堅壁不下王師□
駕訖無成功羣臣欲上一統尊號□□曰河東未下幽薊
未復何一統之有終謙遜不敢當也蓋至

□宗之世王師三駕河東始平而幽薊之地卒爲契丹所□

不能復也則

□宗之所以創造王業混一區宇者其難如此乃今自關以東河以南綿亘萬里盡爲賊區追思

祖宗開創之勞可不爲之流涕太息哉此可以憤也雖然□地之數雖必合合必離非有一定不易之理願君德何□耳湯以七十里文王以百里有天下豈以地大民衆之□哉以往事觀之則吾今日所以爲資者視湯文何啻百□□能修德行政上感天心下悅人意則機會之來并吞□□追復故疆盡歸之版籍亦豈難哉故曰亦可以作興□□□或披輿地圖指示鄧禹曰天下郡縣如此其多全□□其一君前言

以公而慮天下不足何定也禹對曰古□□王在德厚薄不
在大小善哉禹之言也先武起田間□□□□寇克復
舊物如取之囊中抑禹之言有以感發之耶孟□□□□
□□□□□□大國以德行仁考王王不待大自今觀之禹
之言□□□□□□□□□□口真可謂中興之龜鑑也故并
書之圖本庶幾觀者亦有所感發焉

右四圖 東山黃公為

嘉祥胡善日所進也致遠舊得此本於蜀司臬右浙因摹刻
以永其傳國祐丁未仲冬東嘉王致遠書

觀德亭題字并跋

高六尺五寸廣三尺一寸二大字后五之三左右各一行
下截從三十一行行三十五字字徑六分誤正書在蘇州
學府

觀德

二字居中字
但一尺四寸

寶祐丙辰孟夏

古汴趙與憲書

二行分刻二大字左
右字徑一寸六分

歲在柔地執徐孟春壬寅

節在觀相趙公先生再鎮吳門報政之五月以是日行鄉飲
于郡學粵四月壬午合鄉射于學之圃禮也古卿大夫射必
先行鄉飲之禮飲所以序長幼射所以觀息行歆夫揖讓而

無所爭不中而不怨勝已惟有德者能之繇其安行乎恭孫
之節習熟乎和順之體者有素也。不然血氣之性能無爭物
欲之情能無怨乎故三揖三讓昭其敬也五豆六豆昭其等
也由是而貴賤明怪殺辨則以之備志體之正直持弓矢而
審同爭且怨何有哉然則先飲後射古人以此觀德行而亦
世教所關歟吳故秦伯之國也莫大於天下而讓者三其
去揖升下飲之爭遠矣廡遠二十季間忠信之教雖微而禮
孫之士不乏我

朝文正范公始建鄉校古道復振嘗自謂曰士當先天下之
憂而憂後天下之樂而樂被其教者圃復以勝已為怨乎

先生憩棠陰於袞繡之鄉德壽無慙於范公而政教有加於
往昔猶念風滿俗靡浸不如古思欲一變而還其初謂學莫
先於崇化而道莫易於觀鄉既咨郡博士四明林君潛致經
定式備諸郡之彌文復命幕屬趙君孟憲王君次母聯事合
治總庶務之靡畧而期舍象于

先聖 先師越夕會鄉之耆老暨大夫士齒于飲所先以俱
禮延致 憲使宏齋包公恢 庾使雲崑洪公壽而 先生
實主之 三行百拜觀聽一新且班教給費命諸邑倣行如郡
庠威儀盛美矣林君曰古人射禮必繼鄉飲之後蓋有為也
可舉一廢一哉撤射亭而新之俾衿佩游於斯習於斯無何

決拾既闕正鵠命中君曰可笑迺白請蒞射先生復為之
集衣冠合臺而旗旄戾止立司馬射人以節其進退之儀雖
二子升降呂序發彼有的行同乎賓筵舍矢既均藝脩乎
行帶先生喟然曰禮無古今幾何轉移習俗之易也射可
以觀德信矣遂大書二字以扁斯亭銀鉤雙榻彩蜚動蓋
與吳學相為不朽也噫先生之化宏矣士當何如哉是必
味絳志之義樂采蘇之節孝弟好禮篤學稱道無愧於夔圓
敬解之言可也它日試于

天子之澤宮而中者多與者盛豈直進爵益地為

先生榮哉當知士者民之表也禮者化之樞也昔文翁招弟

予立學官而員郡化於文韓延壽命諸生執俎豆而潁川化於禮別是會素歸文物之邦既辱

賢師帥作成之又得名師儒講行之目繫心諭俗其不古乎嘗謂世固有言政而不及化者未有化行而政不脩者也

先生下車以來彊敷糶以便民錄巨奸而散吏招兵而增備核賦以寬征政之大者無不脩此化之所以易行也雖然風動教化用之鄉人用之邦國一也先生豈久私於鄉粉哉

挈斯世於三代之隆特一鄉敏尉之推耳先收先生作棟梁指日事也其次迺及楠與棟廣文二幙何避焉景齊吳人也且受知師門備綴底班弗獲聽政役幸前庶諸君有請執

誦所聞以詔來者云門生朝議大夫軍器少監魚權金部郎
官魚資善堂直講王景齊謹跋

重刊捨宅誓願疏文

高連頭五尺五寸五分廣二尺七寸二分
五行行四十六字字徑八分行書在錢塘

捨宅誓願疏文

頭六字字徑八分行書
寸四分行書三

大乘菩薩戒弟子承事郎直祕閣新權通判臨安軍□事兼
管內勅農事張 鑑

右鑑一心歸命

本師釋迦牟尼佛 當來下生弥勒尊佛 西方極□世界
阿彌陀佛 十方淨界諸佛諸聖菩薩緣覺聲聞 大梵天
王 帝釋尊天 四大天王 韋陀尊天 守護正法天龍
八部大權聖衆 五嶽四瀆名山大川祠廟神祇伏望 不

離真際普賜證明鑑恭以欲導群迷必開揚於佛道將興
道教宜建立於僧坊勝福難思契經具載鑑生佛滅後值
法住時幸發無上心學第一義念真乘難逢於曠劫思慧
命常續於未來助行欲妙於莊嚴隨力當施於利益深心所
在至願方陳闊淨乃衆生選佛之場震旦多大乘得道之
器教法東漸而獨此為盛祖師西來而其傳不窮由是衆
多之伽藍編我清淨之國土或據名山勝地或居赤縣神州
皆古德之所興寶禮軒之自創伏遇

至上體佛心而治天下崇祖道而護宗門惟錢塘駐蹕之
方乃寰宇觀光之地昔相國曾聞十禪之建今

在所未見一刹之隆 如來演教於王成蓋居精舍宗師接
人於鬧市可乏叢林都民膠擾而罕聞說法之音衲子往來
而靡有息肩之容慨斯闕典久矣經懷昨倦處於舊廬遂更
謀於別業園得百畝地占一隅幽當北郭之隣秀踞南湖之
上雖混京塵而有山林之趣雖在人境而無車馬之譁爰翦
荆榛式營棟宇勞一心而經始歷二歲而落成念勝趣可作
精藍而薄德豈宜於大廈願棲身之尚賴姑假舍而寓居淨
□自歎於艱實幻質累繫於疾疢求 佛祖之加被祈 天
龍之護持增長善根銷除宿業年得踰於知命運獲度於多
災必法尊經要秘方而成淨域定依前哲捨居宅而為梵宮

用分常產之田永作香廚之供願主席者皆有道行使掛錫者□悟心源為東方立光明幢與末世灑甘露雨種草不離於當念布金何借於他緣言弗苟陳誓無終悔鑑竊憲事有多障時不待人先期或至於報終異議恕於身後宗族長幼朋友親姻或稱亂命之難從或謂名教之有害引屈到嗜美之說謂王旦削髮之言壞我良因奪我素志以至恃勢力而求指占由賄賂而請住持輒汗招提妄設般若如是出身之不是斷正濫之輪死當墮於阿鼻生亟遭於奇禍持將此誓痛警若人俾半一時之狂心勿受歷劫之極苦蓋念起立塔廟□食鉢門□通大事之緣成就圓機之善恭願

皇圖鞏固

睿算增延期永措於兵刑庶宏持於像教上薦 祖先父母
次及知識□□□難三塗四生几類志資熏而獲益摠解脫
以超輪廣此願心周乎法界作菩提之妙行為淨業之正因
佛國俱□□□□於極樂法身非有不妨而奉於 彌
陀普與有情同成此道謹疏

國熙十四年歲次丙午七月初七日大乘菩薩戒弟子承事
郎直祕閣□□□□□軍府事兼管內勸農事張 鑑
疏

景定壬戌中秋蜀閬州許文安捐金命工重刊永為不朽

之傳

御前應奉余臬刊

住山息峯

行海

立石

以上三行在首二行
之下字徑三分正寫

此碑與廣壽慧雲寺碑皆景定三年重刊。鉉孫檉跋其
後自當同在一寺而兩浙金石志失採何也。據檉跋此
為鉉手書重摹上石者。

重刊廣壽慧雲寺記

高連額五尺五寸五分廣二尺七寸十七行行三十
十字字徑一寸正書在杭州民山門內白洋池

廣壽慧雲禪寺之記

額題正書字
徑四寸五分

紹熙元年春 月辛丑故猶王之曾孫宣義郎直祕閣前通
判臨安軍府事張鉉請於

朝曰願以城東北新宅一區效前賢捨為佛寺仍割田六十
頃有奇贍其徒薰修植福以伸歸美報

上之志

上曰可賜額廣壽慧雲禪寺張君勳門佳裔自幼刻苦問學
年未強仕澹然無意於榮途間居遠聲色薄滋味終日矻矻

攻為詩文自處不異布衣。庸儒人所難能。茲又捐所重以創精藍。尤難能者。既得請乃一意崇飾以侈。

上賜徽堂為殿。凡佛屋之未備者。悉力經營。土木堅好。金碧煥發。隱然叢林為。

寓都壯觀。見者起敬焉。落成以書禱予為記。予每歎世人苟貴若富。必思廣其居。務極雄麗。以貽厥後。而夸無窮。然應世未幾。生息繁衍。宏敞化為湫隘。又從而分裂之。蜂房蟻垤。各開戶牖。無復前日。耽耽氣象。矧或不競求售。它人一再過而為墟者。有之固不若釋吝。驕齊物我。推己所有與眾共之。為長且久也。異時寢處宴游之地。千載儼然。子孫登覽。企想風

烈必有慷慨激昂思濟其美者世人識慮及此已足為達而
張君之志則又過之蓋自其先王受國隆恩河澗澤及迄茲
涵漫一身眇然圖報無所故為是舉以紓厥忠匪直為其私
也若夫鐘魚震動雲水鼎來演上乘而祝

帝齡

錫餘福以佑黎庶茲念一興亘千萬禩不能磨滅如佛氏所
謂願力者張君之忠圖有既耶予嘉其志故為之書太師保
圖軍節度使致仕魏國公史浩撰中大夫權吏部尚書兼直
學士院兼實錄院修撰兼侍讀樓鑰書并題額

先大父少卿捨宅一區以築梵宮割田□□畝有奇以給

僧飯獨力營卹不假它緣蓋思忠報之不已而植香火於
無窮也時 丞相留公奏請賜額 太師越王史公作記
攻媿大□□公書丹及 先大父所著發願文雄碑對峙
叢林逮今傳誦紹定厄於劫火寺雖重建而記文皆不存
蜀人許居士所藏發願文舊刻即 先大父手筆慨然捐
金磐石併寺記重勒以成山中之闕典請跋於余追慕感
嘆非惟敬承 先志以詔後人且使縉流知安居暇食之
源而聞者亦足以戒云景定壬戌重陽後十日孫承信郎
閣門看班祿候張樞百拜謹書

玉冊官余稟摹刊

以上四行在記
後字徑五分

右在艮山門內白洋池咸清臨安志云宋張循王之孫鉞捨宅為寺紹熙元年賜今額俗呼張家寺按南湖集鉞所居名玉照堂極林臺池館之勝四時羣屐接踵摩肩照耀一時而宣獻此文則謂其間居遠聲色薄滋味不異布衣臞儒攻媿椽筆南湖雅詞似皆足以傳信何異同若此耶然卒能屏去塵俗捨宅歸真終如文中所云釋吝驕齊物我為長且久者迄今黃童白叟猶能指而道之

兩浙金石志

阮氏錄此一意崇飾飾誤飭寢處宴游之地宴誤瞑思濟其美者鼓思宇已足為達足誤定而植香火於無窮也於誤之厄於劫火厄誤危

宣聖像碑

高七尺二寸廣三尺六寸左右有題識一行
二十七字字徑一寸正書在蘇州府學

咸國十年歲在甲戌七月乙亥胡吳郡文學董師諫郭夢
良命工敬刊

展贈趙卯發敕

石高四尺廣二尺六寸上截初十三行行二十二字銜二十
十三行行字多寡不一字徑七分下截列宋史本傳二十
五行行十九字字較上截
略故漢正書在貴池齊山

初

投身成仁孔子明訓舍生取義孟氏格言既克著於精忠其
可無於郵典朝請節權通判池州軍州兼管內勸農營田事
趙卯發志存報國義不辱身方哨騎長驅欲遂宵降之計惟
監州不屈獨堅守死之心言言大節之可書凜凜英風之不
泯用加褒贈以慰忠忱升之次對之班昇之□子之澤賜諡
以旌其美立廟以妥其神非惟表人生之□三亦以愧臣子

之懷二國知先軫儼然面貌之如生意□張巡能為厲鬼以
滅賊庶幾精爽尚克散承可持贈華□閣待制奉
勅

如右牒到奉行

德祐元年六月十四日

平章軍國重事燦

左丞相都督諸路軍馬且中

右丞相都督諸路軍馬步美

參知政事廷芝

餘書樞密院事兼權參知政事斯得

兼給事中鑄

六月十四日午時都事陳南受

吏部員外郎兼左司主 付吏部

平章軍國重事

左丞相都督諸路軍馬

右丞相都督諸路軍馬

參知政事

僉書樞密院事兼權參知政事

吏部尚書

吏部侍郎

告故朝請評

贈華文閣待制

趙卯發奉

勅如右符到奉行

主事

令史

主管院 某書令史

德祐元年六月十四日下

右
上
載

宋史本傳

傳文
不錄

水調歌頭詞

高三尺七寸二分廣六尺四寸十二行
行存八字字極四寸正書在巴州

霽色湛空碧爽氣政關一殊登高行樂來只古巴州掃

去塵埃未携取煙雲杖屨容我清遊空上盡佳客一

破千憂倚虛壁臨絕上層樓黃花杰葉鳥啼斷四山幽

醉裏不歸去空有亂雲衰草日幾多愁舞鶴在霄宿

鷺點汀洲

水調歌頭

知台州徐殘字

宋本

高一尺三寸七分廣三尺五寸七分
行二三字徑四五寸正書在合州
五百年前知合州
□₁ □₂ □₃ □₄ □₅ 轉 □₆ 徐 □₇ □₈